



ANQA-2020/34

ՀԱՎԱՏԱՐՄԱԳՐՄԱՆ ՀԱՆՁՆԱԺՈՂՈՎ

Ո Ր Ո Շ ՈՒ Մ

1 փետրվարի 2020 թ. N 34

«Խ. ԱՐՈՎՅԱՆԻ ԱՆՎԱՆ ՀԱՅՎԱԿԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՄԱՐԱՆԻ»
ԻՆՍՏԻՏՈՒՑԻՈՆԱԼ ԿԱՐՈՂՈՒԹՅՈՒՆՆԵՐԻ ՀԱՎԱՏԱՐՄԱԳՐՄԱՆ ՄԱՍԻՆ

Հիմք ընդունելով ՀՀ կրթության, գիտության, մշակույթի և սպորտի նախարարի 2019 թվականի դեկտեմբերի 29-ի N 01/6.1/31120-19 գրությունը Հավատարմագրման հանձնաժողովը 2020թ. փետրվարի 1-ին դռնփակ քննարկման արդյունքում, հաշվի առնելով, որ

ա/ Խ. Արովյանի անվան հայկական պետական մանկավարժական համալսարանի առաքելությունն առաջնայնորեն ընկալվում է որպես Հայաստանի Հանրապետությունում մանկավարժական կադրերի պատրաստում՝ լուծելու նախադպրոցական և հանրակրթության օղակների համապատասխան մասնագետների ապահովման խնդիրը,

բ/ ՀՊՄՀ-ն բավարար ուսումնական միջավայր է ստեղծել՝ անհրաժեշտ կյուրատեխնիկական ռեսուրսներով և համապատասխան մասնագիտական որակավորում ունեցող դասախոսական կազմով,

գ/ ինստիտուցիոնալ կարողություններում վեր են հանվել որոշակի թերություններ, մասնավորապես՝

1. «Կառավարումը և վարչարարությունը» ոլորտի որոշակի թերությունները՝ գործառույթների տարանջատման անհստակությունները և ՌԾ նպատակներին ոչ բավարար չափով ռեսուրսների հատկացումն էական ազդեցություն չեն գործում կառավարման համակարգի արդյունավետության վրա,
2. «Մասնագիտության կրթական ծրագրերը» ոլորտի թերությունները թուլացնում են համալսարանում ուսանողակենտրոն մոտեցումների և ուսանողների կողմից արդիական պահանջարկվածությամբ մասնագիտական կարողությունների փաստացի ձեռքբերումը,
3. «Հետազոտությունը և զարգացումը» ոլորտը ակնհայտ ձեռքբերումներ ունի և գնահատող հանձնաժողովի նշած թերությունները էական խոչնդոտ չեն շրջանավարտների մոտ ինքնուրույն հետազոտական և վերլուծական կարողությունների ձևավորման համար,
4. «Որակի ապահովումը» ոլորտի թերությունները թույլ չեն տալիս երաշխավորել կրթական հաստատությունում իրականացվող բոլոր գործընթացների շարունակական և պարբերական բարելավումը,

դ/ փորձագիտական զեկույցում նշված թերությունները չեն ազդում կրթական գործընթացների կազմակերպման արդյունավետության և շրջանավարտների որակավորումների շտրիման արժանահավատության վրա,

զ) հաստատության ուժեղ կողմերի, հևարավորությունների և առկա խնդիրների վերլուծությունը ցույց է տալիս, որ ՀՊՄՀ-ի ջանքերի մոբիլիզացիայի պայմաններում թերությունների վերացման հաստատության գործողությունների ծրագիրն իրատեսական է,

Հավատարմագրման հանձնաժողովը բաց քվեարկությամբ

ՈՐՈՇԵՑ

1. «Հայաստանի Խ.Աբովյանի անվան հայկական պետական մանկավարժական համալսարան» հիմնադրամին շնորհել ինստիտուցիոնալ հավատարմագրում 4 (չորս) տարի ժամկետով:
2. Հավատարմագրում շնորհելու որոշման հրապարակումից հետո՝ երկամսյա ժամկետում ՈԱԱԿ-ին ներկայացնել փորձագիտական զեկույցում նշված թերությունների վերացման գործողությունների վերանայված ծրագիր և համապատասխան ժամանակացույց՝ հաշվի առնելով:
 - ա) «Կառավարումը և վարչարարությունը», «Մասնագիտության կրթական ծրագրերը», «Ճեղքագծությունը և զարգացումը» և «Որակի ապահովումը» ոլորտներում առկա խնդիրներին առաջնահերթ լուծում տալու անհրաժեշտությունը:
 - բ) ՀՊՄՀ-ի կողմից իրականացվող գործընթացների արդյունավետության գնահատման անաջընթացի առանցքային ցուցիչներ (KPI) ունենալու պահանջը:
 - գ) Բարձրագույն կրթության Եվրոպական տարածքին ինտեգրվելու Համալսարանի հավակնությունների տեսակետից միջազգային փորձագետի գործընկերային գնահատման արդյունքները և խորհրդատվությունները:
3. Հաստի ուշադրություն դարձնել մասնագիտության կրթական ծրագրերի արդիականացմանն ու բարելավմանը, ուսումնառության և հետազոտության կապի ամրապնդմանը, կառավարման համակարգի բարելավմանը, անհրաժեշտ կյուրատեխնիկական բազայի շարունակական, արդիականացմանը, պրոֆեսորադասախոսական կազմի վերանայարատմանը, դասախոսների և ուսանողների շարժունությունը, միջազգային համագործակցության հաջողված հատվածական փորձի ընդլայնմանն ու տարածմանը, որակի ներքին ապահովմանը:
4. Կազմակերպել համալսարանում իրականացվող մասնագիտության կրթական ծրագրերի ներքին աուդիտ-արտաքին փորձագետների ներգրավմանը:
5. «ՀՀ մասնագիտական կրթական ծրագրեր իրականացնող ուսումնական հաստատությունների և դրանց մասնագիտությունների պետական հավատարմագրման կարգի» 12-րդ կետի պահանջներին համապատասխան 2 տարին մեկ անգամ ՈԱԱԿ-ին գրավոր զեկույց ներկայացնել իրականացված գործողությունների արդյունքների վերաբերյալ, գնահատելով Համալսարանի գործունեության բարելավումը, նորարարություններն ու ձեռքբերումները:
6. Հանձնարարել ՈԱԱԿ-ին պարտադիր մշտադիտարկման ենթարկել Համալսարանի գործունեության արդյունավետությունը՝ ըստ անաջընթացի առանցքային ցուցիչների և մասնագիտության կրթական ծրագրերի ներքին աուդիտը:

Հավատարմագրման Հանձնաժողովի

նախագահ

2020 թ. փետրվարի 1

ք. Երևան

Ս. Ավետիսյան